

Datum: 23.04 .2020. godine

Broj: 05-121/20

Na osnovu člana 89. stav (1), člana 70. stav (1) i člana 64. stav (1) tačka b) Zakona o javnim nabavkama BiH ("Službeni glasnik BiH", broj: 39/14), člana 8. Statuta SERDA d.o.o. Sarajevo – Prečišćeni tekst, te Zapisnika o ocjeni i pregledu ponuda, donosim:

ODLUKU **o izboru najpovoljnijeg ponuđača**

1. Prihvata se Ponuda ponuđača DIGITARIJA d.o.o. Sarajevo, br. Ponude: 0064/20 od 13.04.2020. godine za javnu nabavku roba: osnovne informatičke opreme i alata – laptopi, 20 komada u okviru projekta „Uspostava modela inovativnog business startup centra za početnike u biznisu sa područja Kantona Sarajevo”, u postupku Konkurentski zahtjev za dostavu ponuda.
2. Ukupna vrijednost Ponude bez PDV-a iznosi 19.750,00 KM.
3. Sa navedenim Ponuđačem će se zaključiti ugovor o nabavci roba – osnovne informatičke opreme i alati.

O b r a z l o ž e n j e

Postupak javne nabavke proveden je putem Konkurentskog zahtjeva za podnošenje ponuda. Za predmetnu javnu nabavku je 31.03.2020. godine putem sistema „e-nabavke“ objavljeno Obavještenje o nabavci broj: 381-7-1-48-3-7/20.

U skladu sa članom 88. stav 1), članom 55. stav 1 tačka b) Zakona o javnim nabavkama BiH („Sl. glasnik BiH“, broj 39/14), dostavljeni su pozivi za preuzimanje Konkurentskog zahtjeva na adrese ponuđača: KAMER COMMERCE d.o.o., UNI-EXPERT d.o.o., IMTEC d.o.o. i GENELEC d.o.o..

U roku za preuzimanje Tenderske dokumentacije, prema Izvještaju sa portala javnih nabavki o preuzimanju tenderske dokumentacije od strane ponuđača, istu je preuzelo 33 ponuđača.

U ostavljenom roku do 14.04.2020. godine do 12 sati dostavljene su ponude slijedećih ponuđača, a prema redoslijedu zaprimanja:

R. br.	PONUĐAČ	Cijena na (javnom) otvaranju KM (bez PDV-a)	Ukupna cijena na (javnom) otvaranju KM (sa PDV-om)
1.	HERTRONIC d.o.o. GRUDE	20.000,00	23.400,00
2.	„DIGITARIJA“ d.o.o. Sarajevo	20.000,00	23.400,00
3.	ASPO RAIL d.o.o. Sarajevo	19.977,80	23.374,03
4.	FACIT d.o.o. Sarajevo	19.913,60	23.298,91
5.	„ALF-OM“ d.o.o. Banja Luka	19.900,00	23.283,00
6.	Time Code d.o.o. Sarajevo	19.980,00	23.376,60

[Handwritten signature]

Nije bilo neblagovremenih ponuda.

Nakon otvaranja ponuda, pristupilo se analizi dokumenata priloženih uz ponude u smislu provjere validnosti obzirom na iskazane zahtjeve Ugovornog organa u Konkurentskom zahtjevu za dostavu ponuda, odnosno vrednovanju ponuda, a u skladu sa procedurama i pravilima utvrđenim Konkurentskim zahtjevom za dostavu ponuda i Zakonom o javnim nabavkama BiH, odnosno pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti dokumentacije, utvrđeno je sljedeće:

1) Ponuda ponuđača HERTRONIC d.o.o. GRUDE je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14), odbačena iz razloga što ponuda ne ispunjava zahtjeve iz Tenderske dokumentacije broj: JN-87/20:

1.a) Tenderskom dokumentacijom broj: JN-87/20 pod tačkom 3.3. podtačkom b) zahtjevana je „Potvrda banke da račun ponuđača nije blokiran u periodu od 6 mjeseci, računajući period do datuma objavljivanja Obavještenja o nabavci, original ili kopija“.

- Ponuđač je dostavio Potvrdu UniCredit Bank izdatu 09.04.2020. godine gdje je navedeno da „račun nije blokiran u posljednjih 6 mjeseci“ ali nisu navedeni datumi tako da se nije moglo utvrditi da li je to period od 6 mjeseci, računajući period do datuma objavljivanja Obavještenja o nabavci, a Obavještenje o nabavci je na portalu javnih nabavki Agencije za javne nabavke BiH objavljeno 31.03.2020. godine.

1.b) Tenderskom dokumentacijom broj: JN-87/20 pod tačkom 4.1. pod e) zahtjevano je „potpisan, popunjen i opečaćen nacrt ugovora koji je sastavni dio tenderske dokumentacije“.

- Ponuđač je dostavio Nacrt ugovora o javnoj nabavci i isporuci roba osnovne informatičke opreme i alata –nabavka laptopa, koji nije ispravno popunjen, jer u članu 7. u rubrici predviđenoj da se upiše kad se garancija ne priznaje: „Garancija se ne priznaje u slučaju kada je do kvara na opremi došlo usljed:“, nije ništa upisano, tako da se nije moglo utvrditi da li postoje ili ne postoje razlozi za nepriznavanje garancije usljed kvara.

1.c) Dalje, na strani „4 od 22“ Tenderske dokumentacije broj: JN-87/20 pod tačkom 1. precizirano je da Izjava o ispunjenosti uslova iz člana 45. stav (1) tačka a) do d) Zakona o javnim nabavkama BiH („Službeni glasnik BiH“, broj 39/14) treba da je potpisana i ovjerena od nadležnog organa/općine ili notara/ u formi i na način koji je propisan od strane AJN BiH i da se obrazac iste nalazi u Pozivu i to „Aneks 3“.

Forma Izjave o ispunjavanju člana 45. ZJN BiH propisana je Uputstvom za pripremu modela tenderske dokumentacije i ponuda, te je Ugovorni organ Izjavu u takvoj formi i propisao predmetnom tenderskom dokumentacijom.

- Izjava Ponuđača o ispunjenosti uslova iz člana 45. ZJN BiH nije prihvatljiva iz razloga što je u rubrici propisanoj za upis: „Mjesto i datum davanja izjave“ upisan datum 10.04.2020., a na poledini Izjave na štambilju/ovjeri općine Grude, upisan je datum 09.04.2020. Dakle Izjava i potpis je ovjeren od strane nadležnog organa, tj. općine Grude, jedan dan prije datuma davanja Izjave.



Izjava o ispunjenosti uslova iz člana 45. ZJN BiH nije prihvatljiva i iz razloga što nije popunjena propisana rubrika „Izjavu dao“, a u rubrici „Potpis i pečat nadležnog organa:“ upisan je potpis ponuđača i utisnut pečat ponuđača.

1.d) Također, Forma Izjave po članu 52. ZJN BiH je sastavni dio predmetne Tenderske dokumentacije i propisana je Uputstvom za pripremu modela tenderske dokumentacije i ponuda, te je Ugovorni organ Izjavu u takvoj formi i propisao predmetnom tenderskom dokumentacijom, Aneks 4.

- Izjava iz člana 52. ZJN BiH nije prihvatljiva iz razloga što je u rubrici: „Mjesto i datum davanja izjave“ upisan datum 10.04.2020., a na poledini Izjave na štambilju/ovjeri općine Grude, upisan je datum 09.04.2020.. Dakle Izjava i potpis je ovjeren od strane nadležnog organa, tj. općine Grude jedan dan prije datuma davanja Izjave.

Izjava iz člana 52. ZJN BiH nije prihvatljiva i iz razloga što nije popunjena propisana rubrika „Izjavu dao“, a u rubrici „Potpis i pečat nadležnog organa:“ upisan je potpis ponuđača i utisnut pečat ponuđača.

2) Ponuda ponuđača FACIT d.o.o. Sarajevo je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14), odbačena iz razloga što ponuda ne ispunjava zahtjeve iz Tenderske dokumentacije broj: JN-87/20.

2.a) Tenderskom dokumentacijom broj: JN-87/20 pod tačkom 3.3. podtačkom b) zahtjevana je „Potvrda banke da račun ponuđača nije blokiran u periodu od 6 mjeseci, računajući period do datuma objavljivanja Obavještenja o nabavci, original ili kopija“.

- Ponuđač je dostavio Potvrdu Raiffeisen Bank izdatu 14.04.2020. godine gdje je navedeno da račun nije blokiran u periodu od 01.11.2019. godine do 13.04.2020. godine, kojom ponuđač nije dokazao da račun nije blokiran u periodu od 6 mjeseci, računajući period do datuma objavljivanja Obavještenja o nabavci, kako je zahtjevano, a Obavještenje o nabavci je na portalu javnih nabavki Agencije za javne nabavke BiH objavljeno 31.03.2020. godine.

3) Ponuda ponuđača „ALF-OM“ d.o.o. Banja Luka je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14), odbačena iz razloga što ponuda ne ispunjava zahtjeve iz Tenderske dokumentacije broj: JN-87/20.

3.a) Tenderskom dokumentacijom broj: JN-87/20 pod tačkom 3.3. podtačkom b) zahtjevana je „Potvrda banke da račun ponuđača nije blokiran u periodu od 6 mjeseci, računajući period do datuma objavljivanja Obavještenja o nabavci, original ili kopija“.

- Ponuđač je dostavio Potvrdu Raiffeisen Bank izdatu 15.01.2020. godine gdje je navedeno da račun nije blokiran u periodu od 14.01.2019. godine do 14.01.2020. godine, kojom ponuđač nije dokazao da račun nije blokiran u periodu od 6 mjeseci, računajući period do datuma objavljivanja Obavještenja o nabavci, kako je zahtjevano, a Obavještenje o nabavci je na portalu javnih nabavki Agencije za javne nabavke BiH objavljeno 31.03.2020. godine.

Handwritten signature

4) Ponuda ponuđača TIME CODE d.o.o. Sarajevo je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14), odbačena iz razloga što ponuda ne ispunjava zahtjeve iz Tenderske dokumentacije broj: JN-87/20.

4.a) Tenderskom dokumentacijom broj: JN-87/20 na strani „14 od 22“ u specifikaciji za nabavku „Laptop računara 20 komada“ zahtjevana je „garancija 3 godine“, a ponuđač je u Obrascu za ponudu pod tačkom 5. „Garantni rok za isporučenu robu“, naveo 12 mjeseci. Također, u Nacrtu ugovora u članu 7 stavu 1. naveden je garantni rok 12 mjeseci, te dostavio i pisanu Izjavu gdje je naveo garantni rok od 12 mjeseci od dana isporuke.

Nije bilo razloga za isključenje ponuđača: DIGITARIJA d.o.o. Sarajevo i ASPO RAIL d.o.o. Sarajevo, zbog neispunjavanja uslova za kvalifikaciju.

Analizom ponuda ponuđača: DIGITARIJA d.o.o. Sarajevo i ASPO RAIL d.o.o. Sarajevo za ovu nabavku u vezi ekonomske, tehničke i profesionalne sposobnosti utvrđeno je da nema razloga za odbijanje.

- Rangiranje prihvatljivih ponuda prema kriteriju "najniža cijena" za učešće na e-aukciji:

R. br.	PONUĐAČ	Cijena na (javnom) otvaranju KM (bez PDV-a)	Ukupna cijena na (javnom) otvaranju KM (sa PDV-om)
1.	ASPO RAIL d.o.o. Sarajevo	19.977,80	23.374,03
2.	DIGITARIJA d.o.o. Sarajevo	20.000,00	23.400,00

Tenderskom dokumentacijom broj: JN-87/20 predviđena je e-aukcija i zakazana je za 20.04.2020. godine u 09:15.

E-aukcija je trajala do 9:41:00 sati.

- Rangiranje prihvatljivih ponuda prema kriteriju "najniža cijena" za izbor ponude poslije završene e-aukcije izgleda:

R. br.	PONUĐAČ	Cijena na (javnom) otvaranju KM (bez PDV-a)
1.	DIGITARIJA d.o.o. Sarajevo	19.750,00
2.	ASPO RAIL d.o.o. Sarajevo	19.770,00

Ponuda ponuđača DIGITARIJA d.o.o. Sarajevo, ID broj:4201551320006, nakon provedene procedure e-aukcije, ocijenjena je prihvatljivom u skladu sa uslovima iz Tenderske dokumentacije, sa ukupnom cijenom u iznosu od 19.750,00 KM bez PDV-a koja je prema kriteriju za izbor ponude (najniža cijena) ocijenjena najprihvatljivijom ponudom.





S obzirom da je ponuda ponuđača DIGITARIJA d.o.o. Sarajevo ocijenjena kao najpovoljnija i sa najnižom cijenom, to je Komisija za nabavku predložila prihvatanje Ponude, te shodno odredbama članova 64. stav (1) tačka b) i 70. Zakona, donošenje odluke o izboru ponude ponuđača DIGITARIJA d.o.o. Sarajevo.

Imajući u vidu prednje navedeno, Ugovorni organ je donio Odluku kao u dispozitivu.

Protiv ove Odluke svaki od ponuđača/dobavljača ima pravo da podnese žalbu u roku od pet dana od dana prijema ove odluke.

Žalba se podnosi Ugovornom organu SERDA d.o.o. Sarajevo, u pisanoj formi.



Dostaviti:

- Ponuđačima
- Komisiji za javne nabavke
- web stranica
- a/a